

- (scil. *ab huius vitae et futurae felicitate*) sicuti nubes fulmine discussa perit, fluctuans, o heros, aberransque a tramite divino?
39.   Hoc dubium tu mihi, o Krishna, dirimere debes integrum. Nullus alius profecto quam tu huiusce dubii propulsator reperitur.

ALMUM NUMEN *loquitur*:

40.   O Prithae fili, neque heic, neque in vita futura exitium tali homini evenit; haud profecto honestus quisquam infau-
41.   stam, amice, viam ingreditur.   Nactus sedes superas proborum, commoratus ibi annos infinitos, in castorum beatorum-
42.   que familia, qui devotione excidit, regeneratur,   vel etiam e devotorum sapientium stirpe nascitur. Difficillimi sane ad
43.   adipiscendum in hoc mundo sunt natales eiusmodi.   Ibi eandem mentis applicationem assumit, quam in priore corpore habuerat, enititurque deinde vehementius ad consummationem,
44.   o Kuruis proles.   Prius contracta consuetudine illa ultro etiam is abripitur. Vel devotionem cognoscendi studiosus theologiam meris verbis circumscriptam praevertit; pro
45.   virili vero contendens devotus, lustratus a peccatis, repetitis natalibus consummatus, dehinc summum iter ingreditur. As-
46.   cetis superior devotus, scientia praeditis quoque superior aestimatur, operumque confectoribus superior devotus: ergo devotus fias,
47.   o Arjuna.   Inter universos porro devotos, qui, intima mente ad me conversa, fidei plenus me colit, is devotissimus a me iudicatur.

L E C T I O VII.

ALMUM NUMEN *loquitur*:

- i.   Animo in me defixo, Prithae fili, devotionem exercens, me confisus, quomodo haud dubie me integrum cogniturus sit, id